

四庫全書

史部

欽定四庫全書

史部

欽定八旗通志卷二百十三至
二百十四

欽定四庫全書

欽定八旗通志卷二百十三

人物志九十三

忠義傳五

滿洲八旗五
康熙二年至十三年共一百十三人

阿哈丹

阿哈丹滿洲正黃旗人姓納蘭氏世居哈達祖雅

虎事

太祖高皇帝初設十札爾固齊雅虎其一也屢征諸部有

功其長子曰滿達爾漢天聰八年從征大同以攻
王家庄功授佐領世職順治三年初設六部擢滿
達爾漢禮部承政其後加世職至二等輕車都尉
卒子阿哈丹襲康熙元年隨征福建海寇二年大
兵進取兩島阿哈丹於廈門力戰陣亡加

恩賜三等男世職

承襲詳見
封爵表

何特赫

何特赫滿洲鑲白旗人父喀爾他喇從征湖南陣

亡自有傳康熙二年正月以世職三等男隨將軍
達賽征海賊鄭成功與偽提督偽總兵凡六戰俱
敗之進攻廈門追賊至蓋峙山力戰陣亡加贈騎
都尉以其兄赫舍襲世職之三等男以其弟格爾
德襲

恩賜三等子世職

承襲詳見
封爵表

科普蘇

科普蘇滿洲鑲紅旗人姓納蘭氏世居葉赫父和

托以功至一等輕車都尉加一雲騎尉病卒科普

蘇襲父職

覃恩加二等男康熙三年隨靖西將軍穆里瑪定西將軍

圖海征湖廣茅麓山賊歿於陣

賜祭葬如例議卹

恩贈一等男兼一雲騎尉世職

承襲詳見
世職表

富和申

富和申滿洲鑲紅旗人委署護軍校康熙三年從

征山寇李來亨於湖廣至晏陵戰歿

賞卹如例

特穆德

特穆德滿洲鑲紅旗人委署護軍校康熙三年隨
定西將軍圖海征湖廣擊賊李來亨於茅麓山陣
亡

賞卹如例

覺羅阿鼐

覺羅阿爾滿洲鑲黃旗人康熙十二年以護軍校
隨征南大將軍賴塔征逆孽吳世璠擊賊於歸化
寺陣亡

賞卹如例

雅圖

雅圖滿洲正黃旗人姓伊拉里氏世居赫石地方
以筆帖式隨總督甘文焄至雲南康熙十二年十
二月逆藩吳三桂反文焄赴鎮遠雅圖與何善俱

偕行比至知守將江義已從賊文焜死雅圖殉焉

恩賜雲騎尉世職

永襲詳見
世職表

何善

何善滿洲人旗分未詳任筆帖式康熙十二年十
二月初八日逆藩吳三桂反何善隨總督甘文焜
赴鎮遠比至知守將江義已從賊文焜自剄何善
與雅圖同死之

賞卹如例

邁蘭

邁蘭滿洲鑲黃旗人姓博爾濟吉特氏世居阿爾達額爾蘇地方父巴爾巴圖魯蒙古察哈爾貝勒也邁蘭以護軍叅領於康熙十三年從定西將軍圖海征湖廣賊渠李來亨據茅麓山聚衆千餘拒敵邁蘭率本旗兵隨大兵進攻敗之十三年逆藩耿精忠叛于福建邁蘭隨定南將軍希爾根由江西往征九月偽都督易天錫犯撫州府邁蘭率本

旗兵擊敗之賊遁走時有賊自建昌府來助與撫
州府賊兩路夾攻我師邁蘭復擊敗之偽都督楊
益茂率六萬餘衆拒戰于七里岡又敗之又敗賊
周福洪等三千餘人于界牌鋪之北山賊復領馬
步兵萬餘據景德鎮又擊敗之至沉香山被賊首
程鳳率七千餘衆拒戰邁蘭力戰陣亡

恩賜雲騎尉世職

承襲詳見
世職表

默爾庫勒

默爾庫勒滿洲鑲黃旗人姓阿蘇里氏世居薩哈
連烏喇地方康熙十三年以駐防江寧驍騎校隨
都統尼雅哈征逆藩吳三桂七月在湖廣岳州擊
賊陣亡

恩賜雲騎尉世職

承襲詳見
世職表

多博

多博滿洲鑲黃旗人姓寧古塔氏世居寧古塔地
方初任佐領康熙十三年耿精忠叛犯江西破建

呂多博隨定南將軍希爾根進征之九月至撫州
府之鍾家嶺偽都督易天錫率馬步兵四萬餘來
犯多博奮勇擊之中礮歿

恩賜雲騎尉世職

承襲詳見
世職表

舒書

舒書滿洲鑲黃旗人由協領駐防江寧康熙十三
年隨副都統胡圖征逆藩耿精忠至浙江衢州偽
都督周烈等率衆三萬來犯舒書奮勇與戰于坑

西陣亡

賞卹如例

薩弼

薩弼滿洲鑲黃旗人姓托謨氏世居哈達任驍騎校康熙十三年從征湖廣擊賊李來亨於茅麓山

陣亡

恩賜雲騎尉世職

承襲詳見世職表

那桑阿

那桑阿滿洲鑲黃旗人姓費莫氏世居納音任軍
帖式康熙十三年十二月隨經畧大學士莫洛征
吳逆至陝西寧羗州提督王輔臣叛與經畧同時
遇害

恩賜雲騎尉世職

永襲詳見
世職表

戴

戴滿洲鑲黃旗人姓舒穆祿氏世居哈爾閔任江
寧將軍筆帖式康熙十三年隨本駐防將軍額楚

征逆藩吳三桂至江西吉安府螺子山擊賊陣亡

賞卹如例

牛鈕

牛鈕滿洲鑲黃旗人姓瓜勒佳氏世居蘇完初襲父色勒陣亡雲騎尉世職於康熙十三年四月從定南將軍希爾根征逆藩耿精忠七月至江西撫州府之鍾家嶺有偽都督易天錫等率馬步兵四萬餘來拒牛鈕力戰陣亡

恩賜騎都尉世職

承襲詳見
世職表

桑阿布

桑阿布滿洲鑲黃旗人姓索綽洛氏世居輝發地

方康熙十三年以主事隨經畧大學士莫洛征逆

藩吳三桂至寧羗州適提督王輔臣叛力戰陣亡

恩賜雲騎尉世職

承襲詳見
世職表

氣蘭普

氣蘭普滿洲鑲黃旗人姓費氏世居酸尼地方順

治十三年以佐領隨將軍喀喀木征海賊戰于江
寧瓜洲等地方被傷卒克之康熙十三年隨副都
統綽克托征逆藩吳三桂遇賊于四川重慶府力
戰復負重傷遂以戰歿

恩賜雲騎尉世職

承襲詳見
世職表

薩哈連

薩哈連滿洲鑲黃旗人姓富察氏世居沙際地方
康熙十三年以員外郎隨經畧大學士莫洛征逆

藩吳三桂至寧羗州適提督王輔臣叛與莫洛同

日遇害

恩賜雲騎尉世職

承襲詳見
世職表

穆爾泰

穆爾泰滿洲正黃旗人姓賴卜氏世居齊克潭和
洛地方都統沙納哈巴圖魯之子也康熙十三年
以筆帖式隨經畧大學士莫洛征逆藩吳三桂至
寧羗州適提督王輔臣叛力戰陣亡

恩賜雲騎尉世職

永樂詳見
世職表

巴朗

巴朗滿洲正黃旗人姓科本氏世居兀魯特地方
任護軍叅領順治十七年從征山東敗賊呂思啟
等于鋸齒崖康熙十三年從安西將軍都統赫業
征逆藩吳三桂至四川賊設伏野狐嶺隨前鋒統
領穆占敗之進復平陽關賊將石存禮復連營三
十餘拒守朝天關俱克之進至蟠龍山賊將王屏

藩等率衆四萬拒戰江中諸賊復從右翼舍舟登岸夾擊我師巴朗力戰陣亡

恩賜騎都尉世職

承襲詳見世職表

喀西泰

喀西泰滿洲正黃旗人姓覺爾察氏世居長白山地方任護軍叅領康熙十三年從安西將軍都統赫業征吳三桂至四川遇賊將石存禮于朝天關隨前鋒統領擊敗之賊將王屏藩鄭蛟麟吳之茂

何德成等率衆四萬拒戰于蟠龍山尋以水師自
江登岸合攻我軍喀西泰力戰不克歿于陣

恩賜雲騎尉世職

承襲詳見
世職表

穆魯

穆魯滿洲正黃旗人姓董鄂氏世居董鄂地方康
熙十三年以筆帖式隨經畧大學士莫洛征逆藩
吳三桂至寧羗州適提督王輔臣叛力戰陣亡

恩賜雲騎尉世職

承襲詳見
世職表

鄂里善

鄂里善滿洲正黃旗人姓扎庫塔氏世居噶哈禮
壁翰之鄂里噶山康熙十三年以筆帖式賚

詔廣東值總兵劉進忠叛被執抗節不屈遂及於難

恩賜雲騎尉世職

承襲詳見
世職表

法特哈

法特哈滿洲正黃旗人順治初年以七品官入山
海關平定山東山西陝西河南追流賊於武昌九

江等處俱有功

賜雲騎尉康熙十三年隨寧海將軍固山貝子富喇塔擊

賊曾養性於台州小梁山力戰陣亡

恩賜雲騎尉世職

承襲詳見
世職表

察渾

察渾滿洲正黃旗人世居蒙古嘉叟兒地方父喀

蘭圖仕至內大臣理藩院尚書加太子太保諡壯

敏察渾襲騎都尉又一雲騎尉後復兼襲父喀蘭

圖二等輕車都尉併為三等男康熙十三年從征
逆藩耿精忠至江西吉安府螺子山與賊力戰歿
于陣

賜祭葬如禮

倭錫訥

倭錫訥滿洲正黃旗人世居庫爾喀任護軍校康
熙十三年從征雲南擊逆藩吳三桂歿于陣

恩賜雲騎尉世職

承襲詳見
世職表

戴通

戴通滿洲正黃旗人署護軍校康熙十三年從征逆藩吳三桂於雲南至騰越州擊賊中傷歿

恩賜雲騎尉世職

承襲詳見世職表

泰星阿

泰星阿滿洲正黃旗人任佐領康熙十三年從征逆藩吳三桂至四川賊將石存禮等據朝天關隘口連立三十餘營隨前鋒統領穆占等擊敗之旋

率五十人守梅嶺賊衆大至兩路夾攻我師四戰
四敗之賊復恣衆截殺斷我糧道泰星阿力戰歿
于陣

恩賜三等輕車都尉世職

承襲詳見
世職表

俄內

俄內滿洲正黃旗人姓瓜勒佳氏世居蘇完任輕
車都尉兼管佐領事康熙十三年從征逆藩吳三
桂陣亡

賞卹如例

額參特

額參特滿洲正黃旗人康熙十三年以叅領從定
南將軍希爾根征逆藩耿精忠于江西擊賊于老
虎口負重傷歿

恩賜雲騎尉世職

承襲詳見
世職表

巴喀

巴喀滿洲正黃旗人世居松阿里烏刺克布祿任

護軍校康熙十三年從征南將軍穆占征逆藩吳
三桂至湖廣長沙府力戰陣亡

賞卹如例

嘉爾都

嘉爾都滿洲正黃旗人姓席氏世居烏龍江庫爾
喀布鹿地方康熙十三年以前鋒侍衛隨大兵征
逆藩吳三桂至湖廣與賊戰于高唐陣亡

恩賜騎都尉世職

承襲詳見
世職表

森特赫

森特赫滿洲正黃旗人姓吳雅氏世居烏喇地方
任三等侍衛康熙十三年隨寧海將軍固山貝子
富喇塔征浙江時耿逆偽將軍曾養性等率衆六
萬以水陸並進破黃巖森特赫率兵往援十月初
十日遇賊于台州南浮橋力戰陣亡

恩賜雲騎尉世職

承襲詳見
世職表

和吉祿禮

和吉格禮滿洲正黃旗人姓伊爾根覺羅氏世居
葉赫地方康熙十三年隨安西將軍都統赫業征
逆藩吳三桂至四川攻夏邑闢力戰歿于陣

恩賜騎都尉世職

承襲詳見
世職表

業臣

業臣滿洲正黃旗人姓索嘉氏世居烏爾護地方
順治十五年以護軍叅領從信郡王多尼征貴州
敗偽侯李成蛟于涼水井復敗偽晉王李定國于

雙河口並有功十七年從征東將軍季什哈征山
東土賊于七呂思啟等悉敗其衆於鋸齒崖南康
熙十三年從安西將軍都統赫業征吳三桂由陝
西入川至野狐嶺賊分設伏兵千人于林中使數
百人立紅幟誘我軍深入業臣隨前鋒統領穆占
連擊敗之乘勝追擊遂復平陽關偽將石存禮等
聚賊兵一萬七千人拒守朝天關連營二十餘復
隨穆占大敗之又擊賊將王屏藩鄭蛟麟吳之茂

何德成等于盤龍山賊舟師繞出我後合兵衝擊
業臣力戰不能支遂歿于陣

恩賜騎都尉兼一雲騎尉世職

承襲詳見
世職表

瑚什屯

瑚什屯滿洲正黃旗人姓赫舍里氏世居葉赫地
方任護軍校康熙十三年從征逆藩吳三桂由陝
西入四川至朝天關賊將石存禮連營阻險以拒
我師隨前鋒統領穆占敗之師次蟠龍山敗賊將

王屏藩吳之茂等直趨娘娘廟大兵先發瑚什屯
為殿賊衆大至回兵擊之以被傷陣亡

恩賜騎都尉世職

承襲詳見
世職表

覺和託

覺和託滿洲正黃旗人姓扎庫塔氏世居鄂里噶
山康熙十三年由護軍校隨征逆藩耿精忠至江
西攻撫州府有賊自建昌來援城內賊衆亦出覺
和託力戰陣亡

賞卹如例

雅哈里

雅哈里滿洲正黃旗人姓伊爾根覺羅氏世居烏
喇康熙十三年以護軍校隨寧南靖寇大將軍順
承郡王勒爾錦征逆藩吳三桂至湖廣攻岳州中
鎗斷右臂歿

賞銀二百兩

薩郎阿

薩郎阿滿洲正黃旗人姓瑚錫哈里氏世居卦勒
察康熙十三年以七品官隨寧南靖寇大將軍順
承郡王勒爾錦征逆藩吳三桂至湖廣永興縣擊
賊陣亡

賞卹如例

岳納

岳納滿洲正黃旗人姓圖氏世居舒爾蠻任驍騎
校駐防陝西西安署副叅領康熙十三年將軍瓦

爾喀征吳逆于四川岳納從征至朝天關與偽總
兵石存禮力戰陷陣遇害

賞卹如例

尼堪

尼堪滿洲正白旗人順治十二年以叅領隨大兵
征雲南貴州等處遇賊李定國二萬餘衆列礮鎗
迎拒尼堪督本叅領兵進擊敗之負重傷

賞雲騎尉康熙七年六月以創發卒視陣亡例

賜銀七百兩

恩賜雲騎尉世職

承襲詳見世職表

伊成額

伊成額滿洲正白旗人姓賴卜氏世居扎庫木地方康熙十三年逆藩吳三桂反以刑部郎中從大兵征四川至成都遇賊督軍進攻歿於陣

恩賜雲騎尉世職

承襲詳見世職表

諾羅布

諾羅布滿洲正白旗人姓博爾濟吉特氏世居克爾倫地方襲三等輕車都尉世職順治七年九月連遇

恩詔加為一等輕車都尉又一雲騎尉十六年隨信郡王多尼征偽桂王至雲南圍元江府偽帥馬秉忠孫應斗率兵三千來犯我左翼壕塹諾羅布擊敗之康熙十三年九月隨定南將軍希爾根征逆藩耿精忠至江西圍撫州府賊出城來拒諾羅布力戰

陣亡二十五年議卹

恩賜三等男世職

承襲詳見
封爵表

國禮

國禮滿洲正白旗人姓他塔喇氏世居扎庫木康
熙元年襲父內大臣薩弼圖二等男爵十三年逆
藩吳三桂反國禮隨大兵征雲南每遇賊輒先登
陷陣尋戰歿

恩詔優卹子阿哈納襲其爵

納爾布

納爾布滿洲正白旗人姓博爾濟錦氏初以二等輕車都尉任護軍叅領康熙十三年委署護軍統領從定南將軍希爾根征逆藩耿精忠至江西與偽都督易天錫戰於撫州陣亡

賞卹如例

哈里

哈里滿洲正白旗人姓伊爾根覺羅氏世居胡納

河地方康熙十三年以驍騎校委署叅領從定遠
平寇大將軍安親王岳樂征逆藩耿精忠至江西
十四年與賊戰於石峽陣亡

恩賜雲騎尉世職

永襲詳見
世職表

威赫

威赫滿洲正白旗人姓伊爾根覺羅氏世居扎庫
木地方任騎都尉兼雲騎尉順治四年隨寧海大
將軍宜爾德征偽魯王至浙江舟山擊敗偽英毅

伯阮思等三萬餘衆于康熙十三年從順承郡王
勒爾錦征逆藩吳三桂至湖廣彝陵偽將軍劉之
復拒戰奮擊之歿于陣

恩賜三等輕車都尉世職

承襲詳見
世職表

愛塔

愛塔滿洲正白旗人姓舒穆祿氏世居渾春地方
康熙十三年由護軍校署護軍叅領隨定南將軍
希爾根征逆藩耿精忠至江西擊賊于撫州府之

鍾家嶺陣亡

恩賜雲騎尉世職

承襲詳見世職表

瑪爾翰

瑪爾翰滿洲正白旗人康熙十三年以八品官從寧海將軍富喇塔征耿逆至浙江偽將曾養性等據台州瑪爾翰隨大兵擊賊于小梁山力戰死

恩賜雲騎尉世職

承襲詳見世職表

通安

通安滿洲正白旗人姓他塔喇氏世居扎崑木地方康熙十三年以護軍叅領隨都統巴爾布征逆藩吳三桂至湖廣荊州府擊賊陣亡

恩賜雲騎尉世職

承襲詳見世職表

薩岱

薩岱滿洲正白旗人姓仄勒佳氏世居鳳雁任護軍校康熙十二年從征江西湖廣有功十三年十一月三十日隨副都統穆成額征湖廣擊偽總兵

張泰奮勇戰歿

賞卹如例

吉那布

吉那布滿洲正白旗人由護軍署護軍校康熙十三年五月初八日從定西將軍貝勒董額征吳逆擊偽總兵石存禮於朝天關中歿

賞卹如例

照禮

照禮滿洲正白旗人姓傅察氏康熙十三年以護軍隨安親王岳樂平定江西建昌湖廣長沙武岡諸處屢立戰功授護軍校十四年擊賊於江西景德鎮力戰陣亡

賞卹如例

沙賽

沙賽滿洲正紅旗人姓李佳氏世居扎庫木地方任員外郎康熙三年隨定西將軍圖海征湖廣流

賊李來亨等奮勇力戰兩敗之於茅麓山是年從
征福建攻海賊鄭經於廈門陣亡四年

恩賜雲騎尉世職

承襲詳見
世職表

安珠琥

安珠琥滿洲正紅旗人姓伊爾根覺羅氏世居扎
庫木地方任三等輕車都尉初以從征大同及貴
州屢著戰功康熙十三年隨安西將軍都統赫業
征逆藩吳三桂至朝天關偽總兵石存禮擁兵來

犯擊敗之攻蟠龍山娘娘廟等處俱有功進至槐
樹驛偽將王屏藩吳之茂等率兵截道安珠琥力

戰陣亡

恩賜二等輕車都尉世職

承襲詳見
世職表

阿思虎

阿思虎滿洲正紅旗人姓尼奇里氏世居烏喇地
方任副都御史緣事降四品官康熙十三年隨寧
南靖寇大將軍順承郡王勒爾錦征逆藩吳三桂

至湖廣遇賊將馬寶胡國柱引兵三萬餘據永興
縣巖山嶺阿思虎奮勇進擊歿于陣

恩賜雲騎尉世職

永襲詳見
世職表

布爾哈

布爾哈滿洲正紅旗人順治十五年以委署護軍
校從征偽桂王至貴州敗偽侯李成蛟于涼水井
又敗偽晉王李定國于盧噶並有功康熙十三年
從前鋒統領穆占征逆藩吳三桂敗偽總兵石存

禮于朝天關連破三十餘營又敗賊將王屏藩等
于蟠龍山師抵娘娘廟布爾哈以殿後拒敵歿于

陣

恩賜騎都尉世職

承襲詳見
世職表

傑篤

傑篤滿洲正紅旗人順治十六年以護軍校從南
安將軍達素征福建攻廈門破澄浦嶼並有功康熙
十三年從前鋒統領穆占征逆藩吳三桂破偽

總兵石存禮于朝天關又破偽將軍王屏藩鄭蛟
麟吳之茂于蟠龍山進至娘娘廟傑篤以殿後拒
敵歿于陣

恩賜騎都尉又一雲騎尉世職

永襲詳見
世職表

五賴

五賴滿洲正紅旗人任護軍校康熙十三年隨將
軍貝勒董額征湖廣攻長沙歿于陣

賞卹如例

拖爾弼

拖爾弼滿洲正紅旗人姓格濟勒氏世居綏分地方初以馬甲駐防西安康熙十三年隨將軍瓦爾喀征吳三桂以戰功擢佐領旋以偽總兵石存禮率兵拒敵于朝天關拖爾弼力戰歿于陣

恩賜雲騎尉世職

承襲詳見世職表

瑚爾氣

瑚爾氣滿洲正紅旗人以領催委署驍騎校駐防

涼州康熙十三年隨西安將軍瓦爾喀征逆藩吳
三桂于四川至槐樹驛接糧餉遇賊吳之茂等擁
兵截殺瑚爾氣力戰陣亡

賞卹如例

隨遜

隨遜滿洲正紅旗人姓鄂濟氏世居松花江地方
康熙十三年以護軍校從征逆藩吳三桂屢戰有
功十四年隨定西大將軍多羅貝勒董額征從逆

提督王輔臣擊偽將吳之茂于秦州力戰陣亡

恩賜騎都尉世職

承襲詳見世職表

格善

格善滿洲鑲白旗人姓伊爾根覺羅氏世居薩爾

湖地方任佐領康熙二年正月隨將軍達賽征福

建海賊鄭經敗之於海門進至蓋峙山力戰陣亡

恩賜二等輕車都尉世職

承襲詳見世職表

莽色

莽色滿洲鑲白旗人姓覺羅氏世居家瑋地方世襲騎都尉兼一雲騎尉順治十六年從征福建海賊鄭成功有功康熙二年從定西將軍圖海征湖廣流賊李來亨敗之於茅麓山進至山門賊益悉衆拒戰莽色力戰陣亡

恩賜三等輕車都尉世職

承襲詳見世職表

覺和托

覺和托滿洲鑲白旗人姓瓜勒佳氏世居佳穆瑚

地方康熙十三年以佐領隨都統赫業征四川敗
偽總兵石存禮于朝天關隘口進至蟠龍山擊賊
將王屏藩等力戰陣亡

恩賜雲騎尉世職

承襲詳見
世職表

長綬

長綬滿洲鑲白旗人姓伊拉里氏世居輝發地方
康熙十三年以主事隨經畧大學士莫洛征逆藩
吳三桂至寧羗州適提督王輔臣叛力戰陣亡

恩賜雲騎尉世職

承襲詳見世職表

卷二百十三

素木代

素木代滿洲鑲白旗人任樂清營遊擊康熙十三年耿逆偽都督曾養性吳長春犯樂清時有分轄投誠官林兆輝潛通守倫李秉直等開門議降素木代率所部堅守孤城抗志不屈遂遇害并戮其家丁陳雙丁等五人

恩賜驍騎將軍

碩色

碩色滿洲鑲白旗人姓庫布特氏世居西拉木楞
康熙十三年由部委章京從大兵征逆藩吳三桂
於雲南力戰歿

恩賜雲騎尉世職

承襲詳見
世職表

羅朶渾

羅朶渾滿洲鑲白旗人姓薩彌喇氏世居烏拉地
方康熙十三年以護軍校隨寧南靖寇大將軍順

承郡王勒爾錦征逆藩吳三桂至湖廣七月遇賊
於岳州奮勇擊賊陣亡

恩賜雲騎尉世職

承襲詳見
世職表

薩圖

薩圖包衣滿洲鑲白旗人姓博爾濟錦氏世居巴
爾特地方初任護軍叅領康熙十三年從寧南靖
寇大將軍順承郡王勒爾錦征逆藩吳三桂至湖
廣之南漳遇偽將軍楊來嘉等據山拒戰敗之統

山攻擊掩殺其衆乘勝擊偽將吳國桂於太平街
俘獲甚多被重創歿於陣

恩賜雲騎尉世職

永襲詳見
世職表

布思塔

布思塔滿洲鑲白旗人姓西林覺羅氏世居尼馬
察地方康熙十三年以委署叅領隨安西將軍都
統赫業征四川擊偽總兵石存禮于朝天關隘口
敗之進至蟠龍山偽將王屏藩率衆分水陸拒敵

布思塔奮力衝擊歿于陣

恩賜雲騎尉世職

承襲詳見
世職表

富喀

富喀滿洲鑲白旗人姓郭洛羅氏世居沾河地方
初任佐領康熙十三年委署護軍叅領從征江西
至吉安府擊賊于螺子山力戰陣亡

恩賜雲騎尉世職

承襲詳見
世職表

巴克塔

巴克塔滿洲鑲白旗人姓納喇氏世居葉赫地方
康熙十三年以主事隨經畧大學士莫洛征逆藩
吳三桂至寧羗州適提督王輔臣叛力戰陣亡

恩賜雲騎尉世職

承襲詳見
世職表

阿余什

阿余什滿洲鑲紅旗人任驍騎校駐防西安康熙
十三年隨西安將軍瓦爾喀征逆藩吳三桂至四
川三敗賊兵克復陽平關至槐樹驛偽將軍吳之

茂等率兵四萬餘截我糧道阿余什奮勇力戰陣

亡

賞卹如例

瓦爾布

瓦爾布滿洲鑲紅旗人署驍騎校康熙十三年從
征逆藩吳三桂于福建陣亡

賞卹如例

瑚錫

瑚錫滿洲鑲紅旗人姓完顏氏世居完顏地方順
治十八年以護軍校從征山東賊呂思曲有功康
熙十三年從定南將軍希爾根征逆藩耿精忠至
江西敗賊於建昌新城等處是年又隨定遠平寇
大將軍安親王岳樂征逆藩吳三桂破賊於江西
之萍鄉復從征湖廣長沙府歿于陣

恩賜騎都尉世職

承襲詳見
世職表

托羅

托羅滿洲鑲紅旗人姓富察氏世居費要和屯地
方襲輕車都尉世職康熙十三年隨簡親王喇布
征吳逆至江西吉安府擊偽將韓大任于螺子山
陣亡

恩賜二等輕車都尉世職

承襲詳見
世職表

瑚什木

瑚什木滿洲鑲紅旗人康熙十三年以佐領從征
逆藩耿精忠至江西屢立戰功抵建昌府遇賊于

鐘鼓山力戰被數創尋以創發卒

恩賜雲騎尉世職

承襲詳見世職表

富拉布

富拉布滿洲鑲紅旗人姓納蘭氏世居哈達康熙元年從定西將軍愛星阿征雲南至緬甸擒偽桂王有功授雲騎尉十四年從征提督王輔臣於平涼陣亡子保住襲職姪普鐸從征吳逆亦戰歿於

永興

賞卹如例

羅岱

羅岱滿洲鑲紅旗人佐領署叅領康熙十三年從
征逆藩吳三桂力戰歿於陣

賞卹如例

傅岱

傅岱滿洲鑲紅旗人姓他塔喇氏世居扎庫木康
熙十三年從征吳三桂敗賊於蟠龍山有功授雲

騎尉尋至府谷縣與賊力戰歿

賞卹如例

桑圖

桑圖滿洲正藍旗人姓鄂卓氏世居輝發地方初
任輕車都尉兩遇

恩詔加至一等輕車都尉兼一雲騎尉後以事削去雲騎
尉康熙三年從定西將軍圖海征湖廣賊李來亨
等于茅麓山連敗之進至山門力戰陣亡

恩賜雲騎尉世職

承襲詳見世職表

薩爾圖

薩爾圖滿洲正藍旗人姓伊拉喇氏世居葉赫地方兵部筆帖式康熙十二年隨本部侍郎黨古禮出使雲南遇逆藩吳三桂兵被執不屈罵賊死

恩賜雲騎尉世職

承襲詳見世職表

準泰

準泰滿洲正藍旗人姓佟佳氏世居加哈地方任

雲騎尉康熙十三年隨寧南靖寇大將軍順承郡王勒爾錦征湖廣有功旋從護軍統領額司泰與偽將劉之復戰于彘陵州陣亡

恩賜騎都尉世職

承襲詳見世職表

額楞楚

額楞楚滿洲正藍旗人姓朱爾根氏世居烏喇署前鋒叅領康熙十三年從征逆藩吳三桂陣亡

恩賜雲騎尉世職

承襲詳見世職表

黨喀里

黨喀里滿洲正藍旗包衣人姓兀扎喇氏世居黑龍江地方任協領駐防杭州康熙十三年耿逆偽都督周烈總兵桑明由常山犯衢州平南將軍賴塔總督李之芳調兵會剿敗之黨喀里奮勇力戰歿於陣

恩賜雲騎尉世職

承襲詳見世職表

喇門

喇門滿洲正藍旗人姓覺爾察氏世居白山地方
康熙十三年以前鋒叅領隨征逆藩吳三桂與賊
戰於衡州陣亡

恩賜雲騎尉世職

承襲詳見
世職表

門都

門都滿洲正藍旗人姓吳蘇氏世居薩哈連烏喇
地方任前鋒叅領康熙十三年從大兵征逆藩吳
三桂至湖廣與賊戰陣亡

恩賜雲騎尉世職

承襲詳見世職表

伊勒圖

伊勒圖滿洲正藍旗人康熙十三年以護軍叅領兼佐領從大兵進征逆藩吳三桂至江西遇賊于吉安府力戰陣亡

恩賜騎都尉世職

承襲詳見世職表

西圖庫

西圖庫滿洲正藍旗人任護軍叅領康熙十三年

從征逆藩吳三桂歿于陣

恩賜騎都尉世職

承襲詳見世職表

阿三泰

阿三泰滿洲正藍旗人姓瓜勒佳氏任護軍叅領

康熙十三年從征逆藩吳三桂歿於陣

恩賜雲騎尉世職

承襲詳見世職表

重魁

重魁滿洲正藍旗人姓納喇氏世居機幾里城任

護軍叅領康熙十三年從征逆藩吳三桂陣亡

恩賜雲騎尉世職

永襲詳見
世職表

赫德理

赫德理滿洲正藍旗人姓他塔喇氏世居扎庫木
地方康熙十三年以佐領隨寧海將軍貝子富喇
塔進兵台州擊偽將曾養性於小梁山奮勇力戰
歿于陣

恩賜雲騎尉世職

永襲詳見
世職表

烏納哈

烏納哈滿洲正藍旗人姓馬佳氏世居寧古塔
地方任護軍叅領署護軍統領康熙十三年從
安西將軍都統赫業征逆藩吳三桂至四川率
官兵迎餉於槐樹驛偽將吳之茂等以萬餘衆
截道來刦烏納哈挺身禦戰歿於陣以孫吳爾
襲職

賞卹如例

艾音察

艾音察滿洲正藍旗人姓吳雅氏父胡伸布
祿陣亡自有傳初襲三等男世職康熙十三
年從定遠平寇大將軍安親王岳樂征逆藩
吳三桂進至湖廣長沙府艾音察奮勇攻擊
力戰陣亡

賞卹如例

恩賜二等男世職

永襲詳見
封爵表

巴爾喀

巴爾喀滿洲正藍旗人任前鋒校康熙十三年
隨大兵征逆藩吳三桂力戰陣亡

賞卹如例

翰褚哈

翰褚哈滿洲正藍旗人姓嵩佳氏世居董鄂地
方康熙十三年以雲騎尉隨安西將軍都統赫
業征逆藩吳三桂至陝西石門關遇賊力戰陣

亡

恩賜騎都尉世職

承襲詳見
世職表

鄂莫克圖

鄂莫克圖滿洲正藍旗人姓瓜勒佳氏世居哈

達

國初來歸任護軍校康熙十三年從征福建海賊

鄭成功力戰陣亡

恩賜騎都尉世職

承襲詳見
世職表

阿爾賽

阿爾賽滿洲正藍旗人任雲騎尉康熙十三年八月初七日從征湖廣至香安縣飄鳳山遇賊戰歿

恩賜騎都尉世職

承襲詳見世職表

瑚母西

瑚母西滿洲正藍旗人任驍騎校駐防杭州康熙十三年隨副都統倭申巴圖魯擊偽將軍曾養性等于台州小梁山力戰歿於陣

賞卹如例

托金

托金滿洲正藍旗人由前鋒署護軍校康熙十二年七月十一日隨順承郡王勒爾錦征湖廣同多羅貝勒察鼐擊吳逆偽將吳英起廖進忠馬寶張國柱高起龍等於岳州中礮陣亡

賞卹如例

木成額

木成額滿洲鑲藍旗人以叅領兼理兵部郎中事
康熙十年從征湖廣至金水河遇賊力戰身負
重傷卒

賞卹如例

奇里布

奇里布滿洲鑲藍旗人任叅領駐防西安康熙十
三年十一月二十五日擊吳三桂於盤龍山陣亡

賞卹如例

富和納

富和納滿洲鑲藍旗人任護軍校康熙十三年三月初三日從征湖南擊賊於長沙陣亡

賞卹如例

六八十

六八十滿洲鑲藍旗人任前鋒校康熙十三年隨副都統祖良弼征四川賊將王屏藩等集衆犯保寧至蟠龍山六八十奮擊之遂以戰歿

賞卹如例

回唐阿

回唐阿滿洲鑲藍旗人委署護軍校康熙十三年
從征吳逆十一月十六日由盤山回至娘娘廟遇
賊力戰歿於陣

賞卹如例

辛柱

辛柱滿洲鑲藍旗人康熙十三年以五品官奉

命遷吳三桂家口至貴州安順府三桂反提督李本深從
逆為亂執辛柱脅之降不屈罵賊死

賜祭塋

恩賜騎都尉世職

承襲詳見
世職表

準退

準退滿洲鑲藍旗人姓卓佳氏世居汪欽地方于
康熙十三年以防禦從安西將軍統領赫業征四
川所部祇馬步三百餘人遇賊于野狐嶺暨紅彝

以誘吾師，準退知其有伏于山嶺內，搜獲千餘人，而賊伏兵遂四出迎戰，悉敗之。又破賊于平陽關，至朝天關，偽總兵石存禮領兵萬餘掘壕斷隘口，連營抗拒。準退率所部陷陣，克之。進至蟠龍山，偽將軍王屏藩等集兵合水陸迎戰。準退衝擊之，被重創，猶力戰不屈，遂歿於陣。

恩賜騎都尉世職

永襲詳見世職表

禪拜

禪拜滿洲鑲藍旗人以七品官委署叅領康熙十三年從寧海將軍富喇塔征耿逆至浙江擊偽將曾養性等于台州小梁山力戰歿于陣

恩賜雲騎尉世職

永襲詳見世職表

奇里布

奇里布滿洲鑲藍旗人任叅領駐防西安康熙十三年十一月二十五日擊逆藩吳三桂於盤龍山陣亡

賞卹如例

薩齊渾

薩齊渾滿洲鑲藍旗人姓何舍里氏世居哈達任
驍騎校康熙十三年從征逆藩吳三桂至陝西蟠
龍山力戰歿

恩賜雲騎尉世職

承襲詳見
世職表

淮色

淮色滿洲鑲藍旗人康熙十三年隨征逆藩吳三

桂至陝西擊賊於蟠龍山力戰歿

恩賜雲騎尉世職

永襲詳見
世職表

欽定八旗通志卷二百十三

欽定四庫全書

欽定八旗通志卷二百十四

人物志九十四

忠義傳六

滿洲八旗六
康熙十四年共八十一人

馬喇希

馬喇希滿洲鑲黃旗人姓伊爾根覺羅氏世居夾木湖地方康熙十四年以驍騎校從定西大將軍多羅貝勒董額征四川至隴州隨振武將軍佛尼

勒等擊敗偽將高鼎等於關山河岸復隨平逆將軍畢力克圖等擊敗偽將郝天祥敗之次日賊復合衆夾攻遂力戰陣亡

恩賜雲騎尉世職

承襲詳見世職表

僧色禮

僧色禮滿洲鑲黃旗人姓洪鄂氏世居長白山任三等侍衛康熙十四年從大兵征吳耿二逆藩於江西有功進征廣東至九窰十八洞地方戰歿於

陣

恩賜雲騎尉世職

承襲詳見
世職表

貴復

貴復滿洲鑲黃旗人姓瓜勒佳氏世居哈達地方
任二等侍衛兼佐領順治十六年從征雲南我兵
圍沅江府有賊千餘出犯我蘆屯汛貴復率本叅
領兵擊却之康熙十四年隨征逆藩耿精忠至江
西敗賊萬餘於符潭浦尋隨定南將軍希爾根擊

偽帥李茂珠李福生於建昌府城南鐘鼓山力戰
被創以創發歿

恩賜雲騎尉世職

承襲詳見
世職表

福拉他

福拉他滿洲鑲黃旗人姓兀札刺氏世居瓜勒察
地方襲父東阿騎都尉世職康熙十四年四月從
征逆藩耿精忠至江西隨署護軍統領伯郎素擊
賊於鄱陽湖乘船勦殺中礮陣亡

恩賜騎都尉加一雲騎尉世職

承襲詳見世職表

圖弼赫

圖弼赫滿洲鑲黃旗人姓瓜勒佳氏世居吉林烏喇地方以護軍校駐防涼州康熙十四年從定西大將軍多羅貝勒董額征從逆提督王輔臣於秦州力戰陣亡

恩賜雲騎尉世職

承襲詳見世職表

瑚什塔

瑚什塔滿洲鑲黃旗人姓納喇氏康熙十三年以
護軍叅領銜從征逆藩吳三桂至陝西隨前鋒統
領穆占與賊戰於野狐嶺平陽關又擊偽將石存
禮於朝天關韓天福於保寧進至蟠龍山小梅嶺
龍潭驛西山等處連戰俱有功十四年進攻秦州
遇賊力戰歿於陣

恩賜三等輕車都尉世職

承襲詳見
世職表

圖弼和

圖弼和滿洲鑲黃旗人姓瓜勒佳氏世居烏喇地
方康熙十三年以護軍校隨定西大將軍多羅貝
勒董額征逆藩吳三桂於十四年擊賊秦州力戰
歿

賞卹如例

固哈禮

固哈禮滿洲鑲黃旗人姓瓜勒佳氏世居納音委
署護軍校康熙十四年隨將軍席卜臣鎮守陝西

漢中府擊賊將王屏藩於猴子嶺陣亡

賞卹如例

額勒布

額勒布滿洲正黃旗人姓葉赫氏世居葉赫初以
八品官隨大兵征逆藩吳三桂至湖廣長沙府擊
賊於石匣村有功康熙十四年六月進攻江西抵
新口與賊力戰歿於陣

恩賜雲騎尉世職

承襲詳見
世職表

車圖納

車圖納滿洲正黃旗人姓屠氏世居烏喇地方康熙十三年以護軍校從征逆藩吳三桂由陝西進四川賊設伏於林中以餘衆陣於野狐嶺執紅纛以誘我軍隨前鋒統領穆占追擊之於陽平關時偽將石存禮等據朝天關連營三十里勢張甚復隨穆占及西安將軍瓦爾喀等擊敗之至娘娘廟偽將吳之茂率萬衆阻我軍復隨大兵連敗之於

張飛廟又連敗偽將王屏藩等於槐樹驛小梅嶺
龍潭驛等處十四年進攻秦州從逆提督王輔臣
遣兵來犯力戰於南山陣亡

恩賜騎都尉又一雲騎尉世職

承襲詳見
世職表

費赫齊

費赫齊滿洲正黃旗人姓董鄂氏世居董鄂地方
順治十五年以佐領從征雲南擊偽侯李成蛟於
凉水井偽晉王李定國於雙河口十七年從征山

東土賊敗呂思啟等於鋸齒崖俱有功康熙十三年復從定西大將軍多羅貝勒董額征逆藩吳三桂隨前鋒統領穆占連敗賊於野狐嶺陽平關等處又擊敗偽將石存禮於朝天關王屏藩於蟠龍山及小梅嶺龍潭驛等處十四年進攻秦州遇賊力戰陣亡

恩賜雲騎尉世職

承襲詳見世職表

積善

積善滿洲正黃旗人姓屠佳氏世居烏喇於康熙
十三年以護軍校從定西大將軍多羅貝勒董額
征從逆提督王輔臣十四年擊賊於秦州力戰陣
亡

恩賜雲騎尉世職

承襲詳見
世職表

傅達禮

傅達禮滿洲正黃旗人姓舒佳氏世居渾春地方
康熙十三年以驍騎校從征逆藩吳三桂隨前鋒

統領穆占擊偽將石存禮於朝天關敗之十四年
又隨大兵敗賊將吳之茂於蟠龍山及娘娘廟又
連敗賊於張飛廟槐樹驛小梅嶺龍潭驛西山下
功最著進攻秦州復破賊於北山偽將王屏藩集
衆復戰遂力戰陣亡

恩賜騎都尉世職

承襲詳見
世職表

塔爾海

塔爾海滿洲正黃旗人任驍騎校康熙十四年隨

征逆藩吳三桂至四川奉安西將軍赫業以軍事
差往他所還至娘娘廟遇賊兵力戰陣亡

恩賜雲騎尉世職

承襲詳見
世職表

阿喀倪

阿喀倪滿洲正黃旗人姓那穆都魯氏世居瓦爾
喀綏分地方父坤巴圖魯官散秩大臣阿喀倪於
康熙十四年以一等侍衛從征吳耿二逆藩至江
西耿逆偽帥黃豪於鄱陽湖率賊萬餘船七百隻

三路來戰阿喀俛率舟師敗之復於康山周湖漢口界牌鋪景德鎮等處屢敗賊衆又敗叛將程鳳等於沉香山張名揚等於馬鞍山復連破賊兵於土地堂林田等處地方遷副都統仍在軍前領兵隨和碩簡親王喇布進至吉安府吳逆偽帥韓大任陳耀元等復率衆七千拒戰於螺子山我軍失利阿喀俛力戰陣亡

恩賜騎都尉世職

承襲詳見世職表

綽思啟

綽思啟滿洲正黃旗人姓威古特氏世居察哈爾
地方康熙十四年以驍騎校隨定西大將軍多羅
貝勒董額征從逆提督王輔臣於秦州力戰陣亡

恩賜雲騎尉世職

承襲詳見
世職表

諾岱

諾岱滿洲正黃旗人姓瓜勒佳氏世居蘇完地方
隨征湖廣有功康熙十四年以八品官復隨揚威

將軍內大臣阿密達征從逆提督王輔臣於平涼
力戰陣亡

恩賜雲騎尉世職

承襲詳見
世職表

阿寧阿

阿寧阿滿洲正白旗人康熙十四年以叅領從定
西大將軍貝勒董額征從逆提督王輔臣擊賊於
秦州戰歿

賞卹如例

俞珥

俞珥漢軍正白旗人以驍騎校駐防杭州康熙十四年隨提督常進忠率舟師擊賊朱飛熊等歷戰並有功四月進發海門悉力拒敵力戰陣亡

恩賜雲騎尉世職

承襲詳見世職表

布思泰

布思泰滿洲正白旗人姓富塔臘氏世居長白山任護軍校康熙十四年從征逆藩耿精忠至浙江

台州擊偽將曾養性等於小梁山陣亡

恩賜雲騎尉世職

承襲詳見
世職表

瑚紐

瑚紐滿洲正白旗人姓納喇氏世居葉赫地方
康熙十三年由護軍校隨前鋒統領穆占征逆藩
吳三桂擊賊於野狐嶺及陽平關俱有功復擊敗
偽將石存禮等於朝天關十四年同總兵王懷忠
擊賊於娘娘廟敗之又隨定西大將軍多羅貝勒

董額攻賊於秦州力戰陣亡

恩賜雲騎尉世職

承襲詳見世職表

弼穆弼

弼穆弼滿洲正白旗人姓查庫他氏世居薩楚庫地方初以一等輕車都尉兼一雲騎尉任叅領康熙十四年隨定南將軍希爾根征逆藩耿精忠至江西與賊力戰於建昌之石峽新口歿於陣

恩賜一雲騎尉併為三等男世職

承襲詳見封爵表

赫圖

赫圖滿洲正白旗人姓伊爾根覺羅氏世居烏喇
地方康熙十四年定遠平寇大將軍安親王岳樂
率兵取長沙赫圖從征越八旗先登力戰歿於陣

恩賜騎都尉世職

承襲詳見
世職表

伊藍泰

伊藍泰滿洲正紅旗人姓他塔喇氏世居安褚喇
庫地方康熙十三年從定西大將軍多羅貝勒董

額征逆藩隨前鋒統領穆占擊賊於野狐嶺陽平
關朝天關俱有功又與偽將王屏藩鄭蛟麟吳之
茂戰於蟠龍山又連敗賊於娘娘廟張飛廟槐樹
驛小梅嶺龍潭驛等處十四年進攻秦州遇賊力
戰陣亡

恩賜騎都尉兼一雲騎尉世職

承襲詳見
世職表

瑚圖

瑚圖滿洲正紅旗人姓伊爾根覺羅氏世居呼努

渾河地方康熙十四年以佐領授叅將隨振武將軍佛尼勒征逆藩吳三桂與賊戰於蟠龍山朝天關庸寧鋪等處俱有功進攻秦州偽將吳之茂率兵萬餘立二營於北山瑚圖奮勇直入其營中礮歿於陣

恩賜雲騎尉世職

承襲詳見世職表

德爾根

德爾根滿洲正紅旗人康熙十三年從征浙江敗

耿逆偽總兵劉秉仁於半山嶺十四年隨都統喇哈達敗賊於石塘尋擊偽將連登雲力戰陣亡

恩賜雲騎尉世職

承襲詳見世職表

覺羅色爾圖

覺羅色爾圖滿洲正紅旗人初襲父騎都尉順治七年

恩詔加至三等輕車都尉後以軍功加為二等輕車都尉

康熙十四年從定西大將軍多羅貝勒董額征從

逆提督王輔臣至平涼力戰陣亡

恩賜一等輕車都尉世職

承襲詳見世職表

索爾

索爾滿洲正紅旗人姓舒舒覺羅氏世居葉赫地方康熙十四年以八品官隨多羅貝勒董額征從逆提督王輔臣至益門鎮與偽將王屏藩等戰敗之賊復合力戰陣亡

恩賜雲騎尉世職

承襲詳見世職表

肯特

肯特滿洲正紅旗人康熙十四年以七品官隨定南將軍希爾根征逆藩耿精忠至江西擊賊帥邵連登於建昌破之旋擊賊於饒州力戰陣亡

賞卹如例

聶爾庫

聶爾庫滿洲正紅旗人康熙十四年隨振武將軍佛尼勒征逆藩吳三桂與偽將吳之茂戰於羅門

鎮力戰陣亡

恩賜雲騎尉世職

承襲詳見世職表

阿蘭

阿蘭滿洲正紅旗人任佐領遇

恩詔授騎都尉世職順治九年從征流寇有功康熙十四

年隨將軍瓦爾喀征逆藩吳三桂至四川敗賊黨

於朝天關尋以迎餉至槐樹驛遇敵戰歿加

恩賜世職為二等輕車都尉

承襲詳見世職表

阿巴都

阿巴都滿洲正紅旗人任護軍校康熙十四年隨征從逆提督王輔臣至平涼府擊其子王繼正陣亡

恩賜雲騎尉世職

承襲詳見世職表

海都

海都滿洲正紅旗人姓何舍里氏世居葉赫任驍騎校康熙十四年隨定南將軍希爾根征江西擊

耿逆偽帥邵連登於建昌之長興大敗賊衆進攻
新口浞堰力戰陣亡

恩賜雲騎尉世職

承襲詳見
世職表

渾親

渾親滿洲鑲白旗人姓那蘭氏世居烏喇康熙十
三年十月以二等輕車都尉委署章京隨定南大
將軍希爾根征逆藩耿精忠至江西屢敗賊衆有
功十五年復隨定遠平寇大將軍安親王岳樂征

逆藩吳三桂賊將馬寶率衆三萬餘來犯渾親奮

勇擊戰被傷歿

恩賜一等輕車都尉世職

承襲詳見世職表

陳達

陳達包衣鑲白旗人世居瀋陽地方任陝西甘州
永固城遊擊康熙十四年西番阿里柰從偏都口
來犯達率所部禦之力戰歿於陣

恩賜雲騎尉世職

承襲詳見世職表

阿哈里

阿哈里滿洲鑲白旗人姓索綽絡氏世居吉林烏喇地方順治十八年以驍騎校從征山東擊敗賊將段東珣又連敗賊黨孫小五王節祥蕭五于大賽岩及鋸齒崖康熙十四年復從定西將軍多羅貝勒董額征逆藩吳三桂至陝西偕達理善等擊偽將高定蔡元德等有功進攻秦州遇賊力戰陣亡

恩賜雲騎尉世職

承襲詳見世職表

鄂善

鄂善滿洲鑲白旗人康熙十三年以護軍叅領隨安西將軍赫業征逆藩吳三桂屢著戰功十四年擊賊於秦州力戰陣亡

恩賜雲騎尉世職

承襲詳見世職表

暖推

暖推滿洲鑲白旗人姓兀札拉氏世居黑龍江薩

爾察地方任騎都尉兼副叅領康熙十四年隨寧海將軍富喇塔征耿逆九月十八日由和山嶺攻溫州擊偽副將朱起龍暖推力戰歿於陣

恩賜雲騎尉世職

承襲詳見世職表

何和禮

何和禮滿洲鑲白旗人任驍騎校康熙十四年從征陝西擊逆賊劉世良於華山陣亡

恩賜雲騎尉世職

承襲詳見世職表

賽音布祿

賽音布祿滿洲鑲白旗人姓瓜勒佳氏世居葉赫地方康熙十三年以前鋒校從征逆藩吳三桂由陝西進四川破賊於野狐嶺陽平關保寧等處又戰於小梅嶺龍潭驛俱有功十四年復隨定西大將軍多羅貝勒董額都統赫業等擊從逆提督王輔臣於秦州陣亡

恩賜雲騎尉世職

承襲詳見世職表

葉和臣

葉和臣滿洲鑲紅旗人署驍騎校康熙十四年從
定西將軍董額征從逆提督王輔臣攻平涼力戰
陣亡

賞卹如例

輝蘭

輝蘭滿洲鑲紅旗人姓完顏氏世居完顏地方康
熙十四年以護軍校隨征從逆提督王輔臣攻綏

德州有功又擊偽總兵王繼正於平涼力戰陣亡

恩賜雲騎尉世職

承襲詳見
世職表

顧已察

顧已察滿洲鑲紅旗人姓瓜勒佳氏世居拉庫地方康熙十四年以護軍叅領隨揚威將軍內大臣阿密達征從逆提督王輔臣於陝西進取綏德州敗賊於虎爾隘嶺進攻平涼復敗偽總兵王繼正於郊外賊復合顧已察力戰歿於陣

恩賜雲騎尉世職

承襲詳見
世職表

克什圖

克什圖滿洲鑲紅旗人姓完顏氏父沙爾納征明
陣亡自有傳克什圖襲騎都尉世職七年九年屢
遇

恩詔加至二等輕車都尉十二年隨寧海大將軍宜爾德
至浙江征舟山賊偽總制陳六御偽英毅伯阮思
等率衆迎犯克什圖同索羅禧擊敗之又同劉善

政戰獲其船十四年議叙加世職為一等輕車都尉康熙十四年并襲其族人雅興阿之三等輕車都尉合為一等男尋隨寧海將軍貝子富喇塔征逆藩耿精忠偽總兵劉秉仁等率馬步兵萬餘來犯克什圖領兵步戰擊敗之至浙江温州地方擊偽將軍曾養性兵力戰歿於陣二十五年

恩賜雲騎尉世職

承襲詳見世職表

莫勒

莫勒滿洲鑲紅旗人姓富察氏世居輝發地方康熙十三年以佐領隨定西大將軍圖海等征流寇於湖廣破茅麓山有功十四年復隨定西大將軍多羅貝勒董額征從逆提督王輔臣屢敗賊衆至秦州擊偽將王屏藩陣亡

恩賜騎都尉世職

承襲詳見世職表

米哈納

米哈納滿洲鑲紅旗人姓完顏氏世居完顏地方

順治初以五品官從征山西屢戰有功康熙十四年復隨定西大將軍多羅貝勒董額征從逆提督王輔臣於羅門鎮力戰陣亡

恩賜雲騎尉世職

承襲詳見世職表

薩哈塔

薩哈塔滿洲鑲紅旗人姓哲伯氏世居楚哈地方康熙十四年以監生隨揚威將軍內大臣阿密達征從逆提督王輔臣於平涼之南山遇賊伏兵擊

敗之斬偽總兵郝天祥賊將蔡元復率衆來援遂
力戰陣亡

恩賜雲騎尉世職

承襲詳見
世職表

遣官致祭一次

諾爾齊

諾爾齊滿洲鑲紅旗人姓嘎爾達蘇氏世居黑龍
江地方康熙十四年以護軍校隨將軍克印征從
逆提督王輔臣於平涼力戰陣亡

恩賜雲騎尉世職

承襲詳見
世職表

班他哈

班他哈滿洲鑲紅旗人姓董鄂氏世居董鄂地方
康熙十三年以五品鳴贊官從征逆藩耿精忠至
江西敗賊於鄱陽湖之官塘又敗賊於康山十四
年隨定南將軍希爾根至建昌府擊賊將邵連登
於長興陣亡

恩賜雲騎尉世職

承襲詳見
世職表

莽靄

莽靄滿洲正藍旗人姓伊拉理氏世居海藍地方
初充護軍順治五年隨都統譚泰征江西叛鎮金
聲桓有功十年隨寧南靖寇大將軍陳泰征湖廣
敗賊於常德府城下康熙十三年以驍騎校從征
逆藩耿精忠至江西圍撫州府城中賊出戰擊敗
之偽將軍楊三偽總兵李茂珠等擁賊萬餘來拒
於千金坡又擊敗之十四年隨定遠平寇大將軍

安親王岳樂又敗偽總兵朱一典於惠浦乘勝攻
建昌遇偽帥邵連登率偽都督九人據險拒敵莽
霸挺身躍戰追至新口費園負重傷歿於陣

恩賜雲騎尉世職

承襲詳見
世職表

納達禮

納達禮滿洲正藍旗人姓傅察氏世居費衣達磨
地方以署護軍校征貴州叙功授雲騎尉康熙十
四年五月從征逆藩吳三桂與賊兵戰於湖廣之

彝陵縣陣亡

恩賜雲騎尉世職

承襲詳見世職表

蘇勒伸

蘇勒伸滿洲正藍旗人姓扎拉里氏世居瓦爾喀地方康熙十四年以八品官署副叅領隨定遠平寇大將軍安親王岳樂征逆藩耿精忠戰於江西新口費園陣亡

賞卹如例

查布旦

查布旦滿洲正藍旗人姓郭洛羅氏世居沾河地方任護軍叅領順治十七年隨定西將軍公愛星阿由雲南進緬甸獲偽桂王有功康熙十四年從征江西與吳逆遇於新口戰歿

恩賜雲騎尉世職

承襲詳見世職表

七十八

七十八滿洲正藍旗人姓阿顏覺羅氏世居瓦穆

護以雲騎尉世職兼管佐領事康熙十四年從撫
遠大將軍圖海征從逆王輔臣又從將軍佛額勒
平定四川俱有功後隨順承郡王勒爾錦克太平
諸處被傷歿

賞卹如例

伊爾泰

伊爾泰滿洲正藍旗人姓瓜勒佳氏世居葉赫任
護軍校康熙十四年從征提督王輔臣於保寧力

戰陣亡

恩賜騎都尉世職

承襲詳見世職表

雅賴

雅賴滿洲正藍旗人姓納喇氏世居輝發吳達禮之從弟也由旗員歷官至王府長史康熙十三年吳逆反九月

特命署副都統事同一等侍衛阿喀尼率兵駐兗州尋移鎮江寧又移鎮南昌十月奉

旨赴彭湖口勦賊十二月敗賊於小姑山賊固守彭澤縣
亟圍之登城以克遂率水陸兵復都昌縣疏河道
招撫康山餘黨十四年四月復同護軍統領朗素
等勦湖寇於烏歸寨等處斬二萬餘級獲船九百
餘艘復餘干縣七月進取廣昌至石峽與賊遇伏
四起力戰中礮歿

賜祭葬謚襄壯

恩賜騎都尉世職

承襲詳見
世職表

奇爾布

奇爾布滿洲正藍旗人姓兀扎喇氏世居黑龍江
地方康熙十四年以護軍校從定西大將軍多羅
貝勒董額征從逆提督王輔臣至陝西與賊戰於
夏義關陣亡

恩賜雲騎尉世職

承襲詳見
世職表

博卓洛

博卓洛滿洲正藍旗人姓兀扎喇氏世居黑龍江

地方順治六年從征大同叛鎮姜瓖圍渾源州進
攻孝義縣皆以第二人登城論功授雲騎尉三遇
恩詔授騎都尉兼一雲騎尉十七年從定西將軍公愛星
阿平定雲南康熙十四年從前鋒統領穆占征從
逆提督王輔臣於秦州力戰陣亡

恩賜三等輕車都尉世職

承襲詳見
世職表

敦泰

敦泰滿洲正藍旗人姓瓜勒佳氏世居蘇完地方

康熙十四年以八品官隨定西大將軍多羅貝勒
董額征逆藩吳三桂於秦州力戰陣亡

恩賜雲騎尉世職

承襲詳見
世職表

阿爾護達

阿爾護達滿洲正藍旗人姓葛濟勒氏世居寧古
塔地方康熙十四年以五品官隨定西大將軍多
羅貝勒董額征逆提督王輔臣擊敗偽將王屏
藩等於羅門鎮賊復合遂力戰陣亡

恩賜雲騎尉世職

承襲詳見
世職表

多哈

多哈滿洲鑲藍旗人姓伊爾根覺羅氏世居雅爾
虎地方任驍騎校康熙十四年四月隨定南將軍
希爾根征耿賊偽帥邵連登於江西至建昌之長
興力戰陣亡

恩賜雲騎尉世職

承襲詳見
世職表

季本吉

季本吉滿洲鑲藍旗人康熙十四年三月從定西
大將軍多羅貝勒董額征叛逆察哈尔布爾尼於
大魯力戰陣亡

恩賜雲騎尉世職

承襲詳見
世職表

海保

海保滿洲鑲藍旗人姓商佳氏世居鄂河地方康
熙十四年以護軍校隨揚威將軍內大臣阿密達
征從逆提督王輔臣至平涼擊偽總兵王繼正力

戰陣亡

恩賜雲騎尉世職

承襲詳見
世職表

赫爾和

赫爾和滿洲鑲藍旗人姓紅果齊氏由領催委署
叅領駐防西安康熙十四年三月初四日隨內大
臣阿密達攻平涼力戰歿

賞卹如例

阿納達

阿納達滿洲鑲藍旗人姓博爾濟吉特氏世居克
西克騰地方初襲一等子任護軍統領康熙十三
年同定遠平寇大將軍和碩安親王岳樂征逆藩
吳三桂統兵至江西十四年六月在石峽新口泚
堰率前隊步兵擊賊戰歿

恩賜雲騎尉世職

承襲詳見
世職表

諾穆齊

諾穆齊滿洲鑲藍旗人姓瓜勒佳氏世居業格山

燕堡地方初任護軍校委署叅領父羅多禮順治七年從征勦賊歿於甘肅康熙十四年諾穆齊隨大兵征逆藩吳三桂至湖廣長沙府奮勇擊賊陣亡

恩賜雲騎尉世職

承襲詳見世職表

阿來

阿來滿洲鑲藍旗人委署護軍校康熙十四年隨定西將軍多羅貝勒董額征從逆提督王輔臣至

陝西擊賊於夏義關力戰陣亡

賞卹如例

和爾起

和爾起滿洲鑲藍旗人由護軍署護軍校康熙十四年從征雲南歷戰有功至新口飛雁遇賊力戰陣亡

恩賞銀二百兩

哈有

哈有滿洲鑲藍旗人委署護軍校康熙十四年七月隨征逆藩吳三桂至湖廣彝陵力戰歿

賞卹如例

噶達渾

噶達渾滿洲鑲藍旗人姓瓜勒佳氏世居瓦爾喀地方康熙十四年以佐領從揚威將軍內大臣阿密達征從逆提督王輔臣於平涼力戰陣亡

恩賜雲騎尉世職

承襲詳見世職表

烏燕圖

烏燕圖滿洲鑲藍旗人姓瓜勒佳氏世居烏喇地
方康熙十四年以護軍校隨定遠平寇大將軍安
親王岳樂至江西擊賊於新口費園中創歿

恩賜雲騎尉世職

承襲詳見
世職表

薩奇庫

薩奇庫滿洲鑲藍旗人姓赫舍里氏世居哈達地
方以驍騎校駐防西安康熙十四年隨鎮西將軍

席卜臣征逆藩吳三桂擊偽將吳之茂於漢中力
戰陣亡

恩賜雲騎尉世職

承襲詳見
世職表

和爾渾

和爾渾滿洲鑲藍旗人任驍騎校駐防西安康熙
十四年三月初四日隨內大臣阿彌達擊賊於平
涼力戰歿於陣

賞卹如例

糾渾柱

糾渾柱滿洲鑲藍旗人任驍騎校康熙十三年五月隨前鋒統領穆占征逆藩吳三桂由陝西進四川破偽總兵石存禮於朝天關十四年正月隨鎮西將軍席卜臣於槐樹驛等處連擊偽將王屏藩大敗之進至龍潭驛攻秦州戰歿

恩賜騎都尉世職

承襲詳見世職表

烏達納

烏達納滿洲鑲藍旗人姓完顏氏世居沾河初任
驍騎校從征湖南敗賊孫可望於岔路口又從征
浙江敗偽英毅伯阮思等於舟山叙功贈雲騎尉
康熙十四年從征江西擊吳逆偽將韓大任等被
傷卒於軍

恩賜騎都尉世職

承襲詳見
世職表

恩特

恩特滿洲鑲藍旗人任護軍校康熙十四年從征

逆藩吳三桂至陝西由朝天關娘娘廟進擊偽將軍吳之茂等於張飛廟戰歿

恩賜騎都尉世職

承襲詳見世職表

鄂通武

鄂通武滿洲鑲藍旗人姓溫都氏世居吉陽地方康熙十四年以郎中隨揚威將軍內大臣阿密達征從逆提督王輔臣至平涼與偽總兵王繼正力戰陣亡

恩賜雲騎尉世職

承襲詳見
世職表

業木布

業木布滿洲鑲藍旗人任護軍校康熙十四年隨
鎮西將軍席卜臣征四川擊偽將王屏藩於槐樹
驛諸處有功進攻秦州力戰歿於陣

恩賜騎都尉世職

承襲詳見
世職表

綽爾快

綽爾快滿洲鑲藍旗人姓鄂特利氏領催署驍騎

校駐防西安康熙十四年八月十八日隨內大臣
阿密達攻平涼力戰陣亡

賞卹如例

台弼圖

台弼圖包衣鑲藍旗人康熙十三年以遊擊從征
逆藩吳三桂經畧大學士莫洛嘉其材薦授樂平
營叅將偽將朱龍等圍清水營台弼圖率兵往援
破之斬賊二百人追至鹽場堡又斬賊四百人進

圍定邊遂擒朱龍父子於沙家澗招降偽遊擊李
勲德總兵陳獎等敘功加副將職銜復敗賊於下
馬關斬偽將陳起元尋援固原至申家灣絕賊糧
道斬馘甚衆十四年隨征從逆提督王輔臣於白
虎臺力戰歿

賞銀一千兩諭祭葬

恩賜雲騎尉世職

承襲詳見
世職表

奇蘭布

奇蘭布滿洲鑲藍旗人康熙十四年以防禦隨鎮
西將軍席卜臣等征吳逆至四川擊偽將王屏藩
於槐樹驛梅嶺並有功進擊泰州力戰陣亡

恩賜騎都尉世職

承襲詳見
世職表

欽定八旗通志卷二百十四